



Sinerissami tarnimikkut napparsimasut sullinneqarnerisa pitsaassusaata ukiut tamaasa nalilersuiffigineqartarnissaa siunertaralugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Naliisussat tassaassapput atuisut sulisullu ulluinnarni pineqartunik passussisartut.

(Inatsisartunut ilaasortaq Agathe Fontain, inuit Ataqtigiit)

(Siullermeenera)

Tarnimikkut napparsimasut sullinneqarnerat nuna tammakkerlugu nalilersuiffigineqartarnissaa tapersersoraluarlugu Naalakkersuisutulli isumaqarpugut ukiut tamaasa nalilersuisarnerit sulisunut ulapereeqisunut aamma pisarissersuutaannaassasoq, taamaammallu 2013-2017-mut siunnerfiit pilersaarutaasut atulersinneqarnerisa kingorna nalilersuinissaq utaqqisinnaallugu.

Nuannaarutigaarputtaaq Naalakkersuisut anguniakkamittut oqaatigimmassuk atuisut sullissisullu inaarutaasumik nalilersuinissamut peqataatinneqassammata.

Allannguutissatut siunnersuut ilalerparput;

”2017-mi tarnimikkut nappaatilinnik sullissinermut tunngasunik ataatsimoortumik nalilersuinermik suliaqaqqullugit Naalakkersuisut peqquneqassasut. Sullitat attuumassutilittut taaneqartut katsorsaanermilu sulisut nalilersuinermut UKA 2017-mi Inatsisartunut saqummiunneqartussamut ilaatinneqarnissaat qularnaarneqassaaq”.

Taamatut oqaaseqarluta siunnersuut Ilaqutariinnermut Peqqissutsimullu Ataatsimiititaliamut innersuullupparput.



Forslag til Inatsisartutbeslutning om, at Naalakkersuisut pålægges at sikre årlige evalueringer af behandlingsindsatsen overfor kystens psykiske syge og kvaliteten heri. Evalueringsindsatsen bør foretages af de berørte klienter samt af behandler-personalet.
(Medlem af Inatsisartut Agathe Fontain, inuit Ataqtigiit)
(1. behandling)

Selvom vi gerne ser mere evaluering af det psykiatriske område i hele landet, mener vi ligesom Naalakkersuisut, at årlige evalueringer blot vil belaste det allerede fortravlede personale, og vi vil gerne vente på den endelige evaluering efter indkørsel af de nye planer for 2013-2017.

Vi glædes også over at det er med i Naalakkersuisuts plan at både klienterne og behandlerne skal inddrages i den endelige evaluering.

Vi tilslutter os ændringsforslaget;

"at Naalakkersuisut pålægges at lave en samlet evaluering af det psykiatriske område i 2017. De berørte klienter og behandlingspersonale skal sikres inddraget i evalueringen, som skal forelægges for Inatsisartut på EM2017."

Med disse bemærkninger henviser vi forslaget til behandling i Familie-, og sundhedsudvalget.